

Ich han leever wenn et Sommer es

Text: T. Engel / Musik: T. Engel, J. Fritz
Verlag: Manuskript

Ich han leever wenn et Sommer es
Wenn et Sommer es
Ich han leever wenn et Sommer es
Wenn et Sommer es

D'r Wind driev üvver d'r Kirchplatz
D'r Pastur dräump vum wieße Sonndach
Wenn sing Kirch dann widder ens voll es
Freut hä sich öm su mih

M'r hürt sing Schöfjer andächtich singe
Un et em Klingelbüggel klinge
Doch unse Herrjott lurt nit op en Mark
Un Käze, hammer jenoch

Ich han leever wenn et Sommer es
Wenn et Sommer es
Ich han leever wenn et Sommer es
Wenn et Sommer es
Em Sommer es et wärm
Em Sommer es et schön – jrön
Dröm han ich leever als dä anderen Dress
Wenn et Sommer es

D'r Wind driev üvver d'r Kirchplatz
D'r Pastur dräump vum Äschermettwoch
Wenn sing Kirch dann widder ens voll es
Freud hä sich öm su mih
Dress am Schoh om Dixiklo
Radio Köln sendet live
Vun unsem Kirchplatz
Jo dä Sultan es at stief
Hät zovill superjeile Zick em Liev –
Un dat driev

Ich han leever wenn et Sommer es . . .

Se maachen et em Ston
Un maachen et em Setze

Wenn ich dä krijje dä kritt se
D'r Pastur en d'r Verzweiflung
Röf de Pinkelpolizei - Doch die hät frei!
Ich han leever wenn et Sommer es
Wenn et Sommer es
Ich han leever wenn et Sommer es . . .